

REGLUGERÐ

um nýbyggingarráð.

2

10. jan.

1. gr.

Höfuðverkefni nýbyggingarráðs, sem skipað er af ríkisstjórninni samkvæmt lögum nr. 62 27. nóvember 1944, skal vera að gera heildaráætlun um, hver atvinnutæki þjóðin þurfi að fá til þess að allir landsmenn vinni við sem arðbærastan atvinnurekstur. Með atvinnutækjum er í þessu sambandi átt við hvers konar framleiðslutæki, samgöngutæki og það, sem þarf til þess að hægt sé að starfrækja þau, svo sem rafvirkjanir, hafnargerðir, byggingar o. s. frv.

2. gr.

Nýbyggingarráð skal gera tillögur um, hvar staðsetja skuli atvinnutækin og gera, ef það álitur þess þörf, áætlanir um heildarframkvæmdir í ákveðnum byggðarlögum eða landsvæðum og um fyrirkomulag atvinnurekstrarins. Heimilt er nýbyggingarráði að láta gera þær rannsóknir, tilraunir og uppdrætti, sem það álitur nauðsynlegt í þessu sambandi.

3. gr.

Samtímis því sem nýbyggingarráð vinnur að samningu slíkrar heildaráætlunar um nýbyggingu í þjóðarþúskapnum, sem um ræðir í 1. gr., getur það, eftir nánari fyrirmælum ríkisstjórnarinnar og í samráði við hana, leitað fyrir sér um kaup slíkra atvinnutækja erlendis og enn fremur haft um það milligöngu fyrir þá aðila, er þess óska. Skal eigi beðið með slíka umleitun þar til heildaráætlun er lokið, heldur þegar rannsakað í samráði við ríkisstjórnina, hvað hægt sé að fá af tækjum og efni og hvenær. Komi í ljós vegna viðskiptareglna annarra þjóða, að hagkvæmt eða nauðsynlegt sé, að einungis einn aðili fjalli um kaupin, skal ríkisstjórnin hafa alla milligöngu í þeim efnum.

4. gr.

Innflutningsleyfi og gjaldeyrisleyfi til ráðstafana þeirra, sem um ræðir í 3. gr., skulu aðeins veitt samkvæmt tillögum nýbyggingarráðs. Nýbyggingarráð skal gera það að skilyrði fyrir veitingu leyfis, að farið verði að tillögum þess um staðsetningu tækjanna. Einstaklingar eða félög, sem ekki hafa áður rekið einhverja atvinnu en nú vilja reka hana og kaupa tæki til þess, skulu að öðru jöfnu hafa jafnan rétt til gjaldeyris og þeir, sem fyrir eru í atvinnurekstrinum.

Nú berast ekki nægar umsóknir um gjaldeyrisleyfi til þess að fullnægja því, sem nýbyggingarráð álitur þurfa til þess að ná markmiði sínu, og skal það þá gera tillögur til ríkisstjórnarinnar um, hvernig hún skuli beita sér fyrir framkvæmdum á því sviði.

Nú berast fleiri umsóknir um gjaldeyrisleyfi til kaupa á ákveðnum atvinnutækjum en nýbyggingarráð, eftir samráði við ríkisstjórnina, álitur hyggilegt að koma upp í þeirri grein, og skal það þá reyna að semja við umsækjendur um, að nokkrir þeirra leggi fé í aðrar framkvæmdir, sem nýbyggingarráð álitur þarfar og hyggilegar.

Sé aðsókn að sérstökum atvinnusviðum miklu meiri en öðrum, skal nýbyggingarráð rannsaka orsakir þess og gera tillögur til ríkisstjórnarinnar um þjóðfélagslegar aðgerðir í þá átt að jafna aðstöðu manna í atvinnugreinum þessum.

Eftir tillögum nýbyggingarráðs má binda gjaldeyrisleyfi því skilyrði, að það sé notað á ákveðnum tíma eða innan ákveðins tíma, ef umsækjandi sjálfur færir sönnur á, að hann geti fengið tækið á þeim tíma, eða ráðið eða ríkisstjórnin geta bent honum á, að það sé fánlegt eða útvegað honum það.

2

5. gr.

10. jan.

Þessir skulu vera höfuðflokkar atvinnutækja og eftirgreindar fjárhæðir áætl-
aðar til þeirra til bráðabirgða:

1. Skip, vélar og efni til skipabygginga o. fl., samtals a. m. k. 200 milljónir króna.
2. Vélar og þess háttar til aukningar og endurbóta á síldarverksmiðjum, hrað-
frystihúsum, niðursuðu, svo og til tunnugerðar, skipasmiða o. fl., um 50 millj.
króna.
3. Vélar og þess háttar til áburðarverksmiðju, vinnslu og hagnýtingar landbún-
aðarafurða, jarðyrkjuvélar og efni til rafvirkjana o. fl., um 50 milljónir króna.

Nýbyggingarráð skal þegar eftir fyrstu bráðabirgðaathugun á verkefni sínu gera
tillögu til ríkisstjórnarinnar um fleiri flokka tækja og efnivara, svo sem til bygg-
inga, og um nánari skiptingu fjár milli þessara flokka.

6. gr.

Nýbyggingaráð skal taka við starfi þeirra millipinganefnda, sem nú starfa í
skipulagsmálum atvinnurekstrar eftir stríð, sjávarútvegsmálum, raforkumálum og
byggingarmálum, ef ríkisstjórninni lízt hentara að láta nefndir þessar hætta starfi.

7. gr.

Reglugerð þessi, sem sett er samkvæmt 3. gr. laga nr. 62 27. nóvember 1944, um
nýbyggingarráð, öðlast þegar gildi.

Forsætisráðherrann, 10. janúar 1945.

Ólafur Thors.

3

AUGLÝSING

26. jan.

um notkun heimildar laga frá 24. janúar 1945, um að innheimta ýmis gjöld
með viðauka.

Ríkisstjórnin hefur ákveðið að nota heimild laga frá 24. janúar 1945 og inn-
heimta frá og með 27. janúar þ. á. að telja til ársloka 1945 með 100% viðauka víta-
gjald, þær aukatekjur ríkissjóðs, sem talðar eru í I.—VI. kafla laga nr. 27 27. júní
1921, stimpilgjald samkvæmt lögum nr. 75 27. júní 1921 og síðari lögum, sem hafa
ákvæði um stimpilgjald, leyfisbréfastjöld og lestagjald.

Enn fremur hefur ríkisstjórnin ákveðið að nota heimild fyrrgreindra laga frá
24. janúar 1945 og innheimta með 50% viðauka innlent tollvörugjald samkvæmt
2. gr. laga nr. 60 30. desember 1939 og eignarskatt samkvæmt 14. gr. laga nr. 6
9. janúar 1935.

Viðaukinn reiknast á þann hátt sem segir í 2. gr. laganna frá 24. janúar 1945.

Auglýsing ráðuneytisins, dags. 4. desember 1944, um notkun heimildar laga
nr. 54 12. október 1944, um að innheimta ýmis gjöld með viðauka, er úr gildi fallin.

Fjármálaráðuneytið, 26. janúar 1945.

Pétur Magnússon.

Magnús Gíslason.